

# МАДАНИЯТ

№20 (102) 25.06.2020 йил

Табрик!



## 27 июнь – матбаа ва оммавий ахборот воситалари ходимлари куни

**Хурматли журналистлар, ОАВ ходимлари ва матбуотимиз фахрийлари!**

Барчангизни Ўзбекистон Республикаси Маданият вазирлиги номидан 27 июнь – матбаа ва оммавий ахборот воситалари ходимлари куни, яъни шарафли касб байрамингиз билан чин қалбимдан табриклайман!

Тарихнинг ўзи тўртинчи ҳокимият мақомини бериб қўйган ОАВ ижтимоий, сиёсий ва маданий ҳаётимизнинг нафақат кечаги ва бугунги куни, балки эртасининг ҳам ажралмас қисмидир. Айнан шу касб эгаларининг машаққатли меҳнати туфайли бутун дунёда кечаётган ҳодисалардан вақтида хабар толамиз, ёритилган мавзулардан, қилинган танқидлардан тегишлича хулоса чиқарамиз, вазиятдан келиб

чиқиб чора кўраемиз. Том маънода улар бизга ўз аксимизни кўрсатувчи кўзгу, очилмаган ва эшитмаётган қалблар учун кўз ва қулоқлардир.

Журналистика – ўта муҳим ва қизиқарли, шу билан бирга, жуда қийин ҳамда хатарли, яна чуқур билим, ўзига хос иқтидор ва заковат талаб этувчи касбдир. Улар ҳукумат ва халқ ўртасидаги холис кўприк, десак муболага бўлмайди.

ОАВ вакиллари, яъни журналистлар эфирга кетадиган ёки газета саҳифаларида чоп этиладиган ҳар бир сўз масъулиятини ўз зиммасига олишади. Ахир, кучли сўз бутун бошли оломонни, давлатларни бирлаштириши ёки аксинча йўқ қилиши мумкин. Шу сабабли журналист қаламининг ўтқирлиги, мавзуга объектив

ёндашув, уни ёритишда Ватанга бўлган салимий муҳаббат, ҳаётимизни янада яхшилаш истаklarининг намоён этилиши жуда муҳимдир.

Маданият вазирлиги халқ ва юрт манфаати йўлида сиздек шарафли касб эгалари олиб бораётган ишларни юқори баҳолайди. Ишонамизки, ватанимиз ва аҳолимиз ҳаёти фаровонлиги йўлида бизнинг ҳамкорлигимиз бундан кейин ҳам бардавом бўлади.

Яна бир бор барчангизга саломатлик, муваффақият, илҳом ва ижодий парвозлар тилайман!

Ўзбекистон Республикаси  
Маданият вазири  
Озодбек НАЗАРБЕКОВ

Ушбу сонда

**Ифлос ҳаво –  
умр заволи**

2-саҳифада

**Йўловчи  
маданияти.**

*Сиз ҳам амал қиляпсизми?*

4-саҳифада

**“Маданият  
ривожланмаса,  
жамият  
ривожланмайди...”**



5-саҳифада

**Ниқоб соғлиқ  
ҳимоясими  
ёки солиқ?!**



7-саҳифада

Огоҳлик – давр талаби

## “Халқим, сизларни деб хавотирдаман!..”

Юртбошимизнинг кўнглидан ўтган ушбу сатрлардан ҳар қандай дил ларзага келиши, беихтиёр қароқлардан ёш қуйилиши аниқ.

Унда фарзанди соғлигидан безовта ота, дилпора онанинг адоқсиз меҳри, ҳар бир сўзга жо бўлган қайноқ қалб тафти, самимий изҳору иқрорнинг ҳаётбахш, умидбахш нафасини ҳис этасиз:

“Кўзинг юмган билан келмаскан уйқу,  
Масъулият экан энг кучли туйғу,  
Кўпайиб кетмасин бу ёвуз оғу,  
Халқим, сизларни деб хавотирдаман!”

Юртбошимизнинг ўз халқи учун жонини ҳам беришга тайёриги, айниқса, ёши улғу бобою момолар соғлигидан хавотирдалиги, бу офатдан соғ-омон олиб чиқиши учун уйда қолишимизни илтижо қилиб сўрашларига бефарқ қараб туриш мумкинми, ахир?! Лекин шундайларнинг учраётгани ниҳоятда ачинар-

ли. Тўғри, орзу-ҳавасли, ишқли-дардли халқимиз бор, шунинг учун ҳам нечоғлиқ мураккаб шароит бўлмасин, қатор имкониятлар яратилапти, тўйлар қилишга рухсат этиляпти. Биздан эса меъёрни унутмаслик, карантин қоидаларига амал қилиш сўралапти, холос, зарур ҳоллардагина талаб қилинапти. Аммо ораимизда бу каби тартиб-қоидаларга бепсандлик билан қараётганлар ҳам борки, улар туфайли коронавирус деган бало-дан қутулиш мушкул кечяпти. Хабарингиз бор, сўнгги кунларда мамлакатимизнинг қатор ҳудудларида бу дард қамайиш ўрнига кўпайиб борапти. Ижтимоий тармоқлардаги хабарлардан ваҳимага тушасан: 20 июнь куни республикамизда унга чаалинганлар 6 минг 153 нафарга етди, деб ташвишландик. Мана кейинги кунларда эса туғилган кун, тўйлар сабаб яна кўпчилик ҳаётига чанг сола бошлади.

Сурхондарёдаги тўйда 250 киши карантинга олинганини қандай изоҳлаш мумкин? Ахир 30 кишилик тўйга рухсат берилмаганми?! Ваҳоланки, шу озчилик орасида ҳам касаллик тез тарқалмоқда. Юнусобод туманида ўтказилган туғилган кунда 13, кетма-кет бўлиб ўтган иккита тўйда эса келин билан бирга яна 12 нафар маросим қатнашчиси ушбу дахшатли касалликни юқтириб олганлари, юзлаб тўй қатнашчилари карантинга олингани-чи?! Аслида бу кўринмас ёвдан ўзни ҳимоя қилиш учун масофа сақлаш, тиббий никоб, зарарсизлантирувчи воситалар, энг оддийси, совундан кун давомида эринмай фойдаланиш қийин эмас. Муҳими, эътиборли, доимо хушёр турмоғимиз зарурлигини унутмаслик! Ахир бундай кўникмалар бизга бегона эмас. Озодаликни аслида кўплар биздан ўрганганлари ҳам яхши маълум-ку!

Давоми 2-саҳифада

Донлар сузлайди...

Сабр қилинглр, чунки сабр этиш иймондандир. Худди бош жасадда бўлгандек, сабр ҳам иймонда бўлади.  
Али ибн Абу Толиб

Дунёдаги энг сергап одамлар бекорчилардир.  
Павленко

Илм шундай нарсаки, унга ўзингни бутунлай топширмагунингча ҳеч нарса бермайди!  
Абу Юсуф













